

DEWAN RAKYAT

ATURAN URUSAN MESYUARAT

HARI SELASA, 2HB DISEMBER, 1980 PUKUL 2.30 PETANG

M1.55

1

PERTANYAAN-PERTANYAAN BAGI JAWAB MULUT

*1. Tuan Ismail bin Said minta Menteri Perusahaan Awam menyatakan perjalanan yang diambil dan kemajuan yang dicapai bagi menubuhkan Gabungan Edaran Nasional (GEN) yang pernah diura-urakan.

*2. Dr Chen Man Hin minta Menteri Perdagangan dan Perindustrian memberi sebab-sebab mengapa harga alat-alat gantian motor begitu tinggi dan sama ada terdapat apa-apa "price fixing" oleh kartel-kartel yang diorganisasikan dengan baik.

*3. Tuan Haji Hashim bin Haji Ghazali minta Menteri Pertanian menyatakan sama ada beliau sedar Guru-guru dan Penyelia-penyelia di bawah Jabatan KEMAS tidak dinaikkan elaunnya waktu gaji Pegawai-pegawai Kerajaan dinaikkan baru-baru ini; jika sedar, adakah beliau bercadang supaya elaun Penyelia-penyelia dan Guru-guru di bawah Jabatan Kemas akan dinaikkan jika ya, bila.

*4. Tuan Fung Ket Wing minta Menteri Kewangan menyatakan jumlah hasil yang didapati dari Sabah dan Sarawak bagi tahun 1978, 1979 dan 1980 dan jumlah wang diberi kepada negeri-negeri tersebut untuk pembangunan.

*5. Puan Shariffah Dorah binti Mohamed minta Menteri Perdagangan dan Perindustrian menyatakan sama ada Kementerian dapat mengesan ke mana barang-barang terkawal diseludupkan dan apakah tindakan yang diambil terhadap penyeludupan-penyeludupan ini.

*6. Tuan Abdul Rahman bin Daud minta Menteri Pelajaran menyatakan adakah beliau bercadang mengadakan kajian kemungkinan bagi menubuhkan lagi sekolah-sekolah berasrama penuh di Kelantan menurut kepadatan penduduk bagi satu-satu daerah.

*7. Tuan Hiew Nyuk Yin minta Menteri Hal Ehwal Dalam Negeri menyatakan sama ada Kementerianya akan mengadakan mesen pembalut di Jabatan Pendaftaran di Kota Kinabalu. Pada masa sekarang semua kad-kad pengenalan dari Kota Kinabalu dibalut di Kuala Lumpur dan kerana masalah jarak dan melainya mengambil masa sekurang-kurangnya 6 bulan sebelum sesuatu kad dikeuarkan.

*8. Tuan Mohd. Bakri bin Rais minta Perdana Menteri menyatakan sama ada beliau sedar bahawa PERKIM telah memainkan peranan yang cemerlang di negara ini (yang diketuai oleh YAM Tunku Abdul Rahman Putra Al-Haj), Bekas Perdana Menteri) setakat hari ini berapa banyak peruntukan yang diberi oleh Kerajaan kepada badan tersebut supaya dapat memperkembangkan lagi kepada negara-negara Tenggara Asia ataupun di rantau Pasifik amnya.

*9. Tuan Ikhwan Nasir minta Menteri Pertanian menyatakan langkah-langkah yang diambil oleh Kementerianya terhadap harga-harga daging yang mahal sedangkan Malaysia merupakan salah sebuah negara yang sesuai untuk memajukan ternakan ini.

***10.** Tuan Haji Mohd. Taufek bin Datuk Haji Asneh minta Menteri Kesihatan menyatakan:

- (a) bilakah masanya Hospital Daerah dapat disiapkan dan digunakan untuk orang ramai; dan
- (b) bilakah Dispensary di Kota Klias dan Weston dapat dimulakan pembinaannya.

***11.** Tuan Shaari bin Jusoh minta Perdana Menteri menyatakan adakah Kementeriannya sedar bahawa Pernas telah menghantar kumpulan tertentu untuk mengikuti latihan di luar negeri seperti di Canton. Tetapi kepulangan kumpulan tersebut tidak mendatangkan faedah kepada kaum Bumiputra. Mereka hanya bekerja dengan pihak Swasta seperti di Emporium dan lain-lain.

***12.** Tuan Hussein bin Mahmood minta Menteri Perusahaan Awam menyatakan sama ada benar beliau bercadang untuk mewujudkan satu sistem di mana semua teksi (kereta sewa) dipandu sendiri oleh tuannya. Kalau ya, adakah beliau bercadang hendak menarik balik semua teksi (kereta sewa) yang dipandu oleh orang lain ataupun yang dipajakkan oleh tuan-tuan punya, apabila tempuh lesen teksi (kereta sewa) tersebut tamat.

***13.** Tuan Wong Hoong Keat minta Menteri Perusahaan Awam menyatakan sama ada beliau sedar dengan adanya keluaran lesen-lesen teksi baharu baru-baru ini, tiada seorang pun daripada pemohon-pemohon di kawasan George Town diberikan lesen dan nyatakan dasar-dasar pilihan dan juga sebabnya tiada seorang pemohon pun dipilih

***14.** Tuan Awang bin Jabar minta Perdana Menteri menyatakan kemajuan-kemajuan Yayasan Dakwah Islamiah Malaysia dalam mencapai objektifnya menyelaraskan badan-badan dakwah di seluruh negara.

***15.** Tuan Peter Paul Dason minta Menteri Perusahaan Awam menyatakan:

- (a) sama ada beliau sedar akibat kekurangan kemudahan-kemudahan penyimpanan, kompleks-kompleks LPN di Kedah dan Perlis tidak mampu menjalankan kerja-kerja mengisar dan sebab itu menyebabkan kerugian-kerugian yang teruk; dan
- (b) sama ada benar pihak Biro Siasatan Negara sedang menyiasat tuduhan-tuduhan mengenai amalan-amalan salah dan rasuah yang ujud di kompleks LPN itu.

***16.** Tuan Abd. Shukur bin Haji Siraj minta Menteri Kerjaraya dan Kemudahan-kemudahan Awam menjelaskan, Jambatan Sabak Bernam dan Jambatan Kuala Selangor telah pun siap, oleh itu apakah taraf jalan raya:

- (a) dari Sabak Bernam ke Kuala Selangor;
- (b) dari Sabak Bernam ke Teluk Anson;
- (c) dari Sabak Bernam ke Bagan Datoh.

***17.** Tuan Chan Teck Chan minta Menteri Hal Ehwal Dalam Negeri menyatakan sejak tahun 1978 hingga hari ini, berapakah permohonan paspot antara-bangsa telah diluluskan dan berapakah telah ditolak, sila nyatakan langkah-langkah yang positif telah diambil untuk memperbaiki keadaan pekerjaan dan bangunan yang buruk di Jalan Tugu, Kuala Lumpur ini dan mempertingkatkan perkhidmatan dan kecekapannya di semua Jabatan Imigresen supaya pengaduan-pengaduan oleh orang ramai dikurangkan.

***18.** Tuan Ikhwan Nasir minta Menteri Perumahan dan Kerajaan Tempatan menyatakan langkah-langkah jangka panjang dan pendek yang berkesan dan cekap untuk memastikan bahawa quota rumah-rumah dan bangunan-bangunan yang diuntukkan kepada Bumiputra dapat dimiliki oleh Bumiputra selaras dengan perjuangan menyusun semula struktur masyarakat* Malaysia.

ATURAN URUSAN MESYUARAT DAN PEMBERITAHU-PEMBERITAHU USUL

1. Menyambung semula pertimbangan atas Rang Undang-undang Perbekalan 1981 (DR. 32/80) dan Anggaran Pembangunan 1981 (Kertas Perintah Bil. 36 tahun 1980) dalam Jawatankuasa sebuah-buah Majlis. (Hari Kelima belas diuntukkan).
2. (DR. 30/80) Rang Undang-Undang Kewangan ... Bacaan Kali Yang Kedua
3. (DR. 33/80) Rang Undang-undang Perbekalan Tambahan (1980) "

DAN -

Mengeri Kewangan akan mencadangkan:

Bahawa Dewan ini, menurut seksyen 4(3) Akta Kumpulanwang Pembangunan 1966, membuat ketetapan bahawa sejumlah wang tambahan sebanyak tidak lebih daripada \$401,283,408 diperuntukkan daripada Kumpulanwang Pembangunan bagi tahun kewangan 1980, bagi Maksud-maksud dan Butiran-butiran (Projek) seperti yang dinyatakan dalam ruangan pertama dan kedua penyata yang dibentangkan sebagai Kertas Perintah 41 tahun 1980, dan yang disenaraikan di sebelah Maksud-maksud dan Butiran-butiran (Projek) dalam ruangan sepuluh dan sebelas.

4. (DR. 38 /80) Rang Undang-undang Penilai dan Pentaksir Bacaan Kali Yang Kedua
5. (DR. 34/80) Rang Undang-undang Lembaga Pelabuhan Bintulu "
6. (DR. 35/80) Rang Undang-undang Probet dan Pentadbiran (Pindaan) "
7. (DR. 36/80) Rang Undang-undang Pemberian kepada Negeri (Penyenggaraan Pihak-pihak Berkuasa Tempatan) "
8. (DR. 37/80) Rang Undang-undang Agensi Pekerjaan Swasta "

9. Tuan Chan Teck Chan akan mencadangkan:

Bahawa Dewan ini membuat ketetapan iaitu segala keutamaan dan bantuan hendaklah diberi kepada kaum penanan lada di Malaysia khususnya di Sarawak supaya perusahaan penanaman lada ini dapat diselamatkan dan dimasukkan dalam aliran pembangunan negara kita, terutamanya menansuhkan cukai eksport yang dikenakan ke atas lada.!

10. Tuan P. Patto akan mencadangkan:

Bahawa Dewan ini mengutuk dengan sekeras-kerasnya negara Russia kerana penaklukan negara Afghanistan dan juga mengutuk negara Vietnam kerana penaklukan Kampuchea yang telah dirancang oleh negara Russia dan menyeru penarikan balik tentera-tentera Russia di Afghanistan dan tentera-tentera Vietnam di Kampuchea.

RISALAT-RISALAT YANG DIBAWA KE DALAM MESYUARAT

1980

Tarikh dibentangkan

- | | | |
|---------|--|----------------------|
| ST. 96 | Laporan Bank Simpanan Nasional Malaysia Bagi Tahun Berakhir 31hb. Disember, 1976. | 2hb. Disember, 1980. |
| ST. 109 | Kaedah-kaedah Kereta Motor (Pembinaan, Kelengkapan dan Penggunaan) (Larangan mengenai Jenis-jenis Kaca Tertentu) (Pindaan) 1980. | 2hb. Disember, 1980. |
| ST. 111 | Peraturan-peraturan Kesatuan Sekerja (Pindaan) 1980. | 2hb. Disember, 1980. |